

龍壁山房詩草

龍壁山房集卷六

己未集詩

甲寅

馬平王拯定甫

巡防夜直次韻和尹荇農祠部

耕雲

期門肅肅靜橫櫜門擁雙牙龍角高城上深更嚴鼓角海濱積雪勁弓刀長憐醉墨春攜盾閑想雕韉夜送醪幾日東風綠陽柳不須歸馬踏冰壕

人曰立春繡山舍人以泐水李君亦梅至招集同人疊去年長至韻

往來蹤跡斷重闌書檄勞勞冬復春官閣花愁文讌少草堂人歎鬢毛新朔風膠折憐冰雪東海杯連接介賓聞說旛竿正吹凱來朝詩酒亦精神

翰臣學士書來道其新夫人博學能詩卻寄

頻年書問積煩覩鄉國離披恨若何長羨斑衣學萊隱又
看瑤札署漚波趙家金石千函富蜀相功名八陣多獸對
庭階好春月近來詩思嬾東坡

禁中夜直題林穎叔水部

壽圖

詩卷卽贈

張六飄搖賴七貧

亭父子瑩

若家州督更超倫先朝人物歸龍

雀竝海風煙長棘榛個儻中原思國士翺翔左掖對閒身
好詩暫許消長夜棲鳥啾啾一苑春

雪夜與海門飲琴西寓齋

朔風門外橫夜月庭中積雪積何漫漫庭階深過尺燕山
雪花昔所聞十年宦蹟空勞薪窮臘祭詩渾好事天門夜
闌驚滕神東谷沈沈老麋喜玉地花天豔莫比千年鶴鶴
雲中歎徹夕連朝勢未已高臺將已傾曲池亦旣平銷金

帳暖玉虬咽橫波猶欲嬌生噴斗室假爐對舜肩蛟龍抱
蟄同蛸蛸一朝僵死誰能賢短歌微吟私自憐隣雞聲酸
座起舞破屋打頭穿硬雨斷無丞相蔡州軍惟有先生東
郭履

元夜海門過談將曉始去

城頭月沒雞三號庭中積雪光生毫峭風入戶燈蕊暗
睽太白窺檐高星橋火樹年年好今夕何年月空皎隣娃
袷服嬌倚門歸掩粧臺意殊懊時節蕭條人事稀海壖風
雪尙懸師一官數口直匏繫心識湖鄉何處歸湖鄉夢遠
衣塵積人似寒鴉倦棲翻地爐煨火酒瓶乾他日何方話
今夕

曉直

曙鐘初動萬鴉鳴禁樹籠蔥帶月明金爵煙輕疑夢繞玉階霜重有人行菰蒲夜色迷江海楊柳春風想旆鉦擬躡松喬身漸老掖廬寒擁一燈清

夜直

承明簪橐問何如曲院幽房好客居殿角槐風春樹暗觚棱松月夜窗虛淋漓詔草還飛羽局促風簾屢廢書襍被宵來眠未得五更霜氣似穹廬

清明日海門借琴西暨葉潤臣閣讀

名禮

小飲寓齋次

潤臣韻

悠悠車馬憐昏曉忽漫飛英墮玉觥偶約清言謀醉穩休令華燭照愁明鄉隣兒女燈前在城闕烏鳶日暮驚寂寞黃塵能辟迹招邀旁舍足幽情

奉送楊六徵君立旭出宰陽高二首

儒官在朝民令改古侯伯誰無痾瘵念要有安平術少小
爲彭戴言山門與君躋謂邑吳先生徵車柰晚來相送復相惜

矯首望下城關門日氣蒼中原方革兵僻處思軒黃君家
有名父祠廟存睢陽從來弓箭社無事卽耕桑

抱潛白清苑丞寄其舊作受硯圖卷索題

陳留片石幾時還圖卷風流數感歎喬木祇應思舊德高
才何意託卑官於今四海愁兵燹那得徵生守席甍太僕
中丞遺澤在好憑丹穴振鸞鸞

繡山舍人屬題尊太夫人寒宵稱藥圖長句

孔侯圖卷盛巾箱每說寒宵最不忘自昔門閭愁遠道幾
人箴管夢高堂艱難風木纏衰疾零落杯棬畏雪霜猶有

孤兒歎無母 鯉泉空飲淚茫茫

繡山以故太傅阮文達公借居公邸日種樹詩屬書小
幘遂次原韻跋尾一首蓋公爲府中門墻而振於公
故門下門生也

邸第新榆間古槐微雲池館幾回栽國中喬木輪囷在庭
下高花次第開綽約當年思禁柳飄蕭晚節到江梅門牆
咫尺根荑別同倚清風近露臺

潤臣屬題家藏尤水村畫贈蘇齋東坡石銚圖次蘇齋
用東坡石銚韻

石君宜火復宜泉底用彭亨斗斛寬微物流傳猶鄭重至
人風味本清寒清時耆宿尊常滿畸客殘縑墨未乾

木村蓋藏

此銚因圖以贈翁者卻問鄆州賢教授百年鑪鼎得清安

又題潤臣風雨懷人圖冊

蚤年材望屬機雲老屋橋南聚典墳四海舊遊多彥會一
家清範有嚴君尊甫既承雲素先生家學君與哲兄崑臣亦皆由庭訓關河鬱律烽
煙色風雨飄搖鸞鶴羣猶喜深廬連僻巷酒邊短燭話宵
分

次和潤臣楸花詩意

城南諸寺門芳辰歲歲香紅走玉輪往日僧彌能伺客幾
家花樹不成春霜蹶蹶踏風如掃冷節蕭條雨似塵欲與
高楸論後約綠章深夜禱靈真

又題潤臣所得張君度畫漢陽晚市卷早歲出門卽客
漢南前年歸自軍中又道出其間一信宿也

東風吹夢首天涯行過晴川百萬家煙浦風光濃似錦估

船桅蠹亂如麻丹青落落餘蟬粉羈旅匆匆痛鱗牙何況
青山見鄉國南雲日夕隱悲笳

喜得孟餘歸越中書卻寄

袴衣短後罷投戎歸去名山自剡中曾向於陵尋仲子好
從牀下拜雁公能探宛委千峰路能得蓬蒿數畝宮夜半
軍符趨省掖知君散髮臥秋蓬

生日偶述

人生當強仕如日月中天所爲一無成百歲何有焉隣家
兒脫襦充閭慶賓筵桑蓬四方射善禱踰萬千念我泉府
親流泗空_地漣嬋媛我嬖女卵育今華顛此生自斷除何
處桑麻田_石短衣隨李廣射獵南山偏

沈淪我先已耕讀鏡水涯百年際平世不逐時紛華一從

滇池宦歸來詠慈

鳴先曾大父持冠滇南有慈烏對

經營廟器餘築室傍

若耶風雨忽飄搖

儀驅遂僑家艱虞以筆耕流滯桂海檣

一綫幸苟延占籍從荒遐新塋既安宅舊里亦過車墓田

多綠陰荒穢憂龍蛇京國又清明享時陳菜蝦顧瞻獨形

影淚落溼垂綱

同氣八九人札瘥遂踰半伶俜惟兩姊相保及危難拏舟
泛珠江燈火越臺畔日月幾團欒星霜再分散前年見孤
須從軍駐灘岸惻惻憶孩抱落落愧毫翰春風解城圍送
別訾洲畔老疾况寡獨白頭依女粲秋風吹佗城揭竿又
尋亂從前月無書蹙若胸有礫何期連烽火書問經年斷
狂思挾溟鵬旁人笑風漢潮州饑食人相望益驚汗次姊隨宦

潮之黃岡

少小卽疎闊迂懷澹榮祿東曹十五秋時局久蒿目自陳
聶壹詞環海飛金鏃先皇勤在位朽馭慄天牧時思
幹濟才擁散媿樛木袴衣纓曼胡蠻鄉走征轂誰知淮蔡
役枉作陳陶哭歸來方卻軌欲去返幽獨叨承兩府檄寸
管將髡禿公私問何爲濫厠乃機軸因人覲成事十九原
碌碌本無簪珥姿相賞同卜祝猶能二頃長逝汝就耕築
束髮事詩書興懷在狂狷植根苦微淺賦性復剛卞丁年
邨塾師割裂受經傳古今一邱貉誰得悉流變稍長及知
學百家又紛羨無聊溺文字漁獵由少賤貧病久蹉跎光
陰急如箭微生旣中餒薄質銷磨鍊慷慨念稱名遭時貴
戎戰自嫌七尺軀不及百夫弁雨雪戒前塗朔風日吹霰
傳家有青瑣悔弗及清晏

夙聞爲國方大政在兵食天心戒盈昃所貴與休息云誰
進心計漏孔妬侵蝕上下或交爭憑陵起家國我聞開兵
戎自古出貪墨供輸旣屢空腴削更奚擇街頭飛子輿國
計要封殖但見縷環利轉虞泉府塞不聞狙公芋朝暮自
愆忒多方益紛綸長日祇憂恤國家基仁厚累葉邁種德
艱危思愷悌仁取乃多得小臣分窮飢會計儼官職

狐鳴起深宵篝火荒山中誰令成負嶠出柙奔西東連城
捲楚吳遂失江湖雄燎原勢方烈毒焰思燒空吾生何有
是仰視天夢夢我知豺虎行過時等秋蓬哀哉聞鼓鞞得
不思罷熊兵甲弛承平咄嗟堪卽戎聞聲不相知况能齊
其衷艱難蟻生甲感慨頭飛蓬有時收介特倉卒知誰充
孫吳伊何人拔山悲重瞳如何漢廷將不見鄧與馮

徵兵萬無功不若數千募募卒又無律連鄉起邱賦保團
防周官守境眞良務富資貧者力親戚盡相顧果其眾志
成金湯那如固矧從川楚來先民有成具咄哉吾黨英一
旅出岡埠布叶幾成田橫島屢扼王官渡柰何鄉里兒偏私
習深錮官民互仇病勢力強塗附坐令山阜藏天險不得
據大城空豺虎小城亦狐兔吾故有鄉閭義聲慚季布
東南幾形勝經歲成墟涼江山如繡錯浩劫悲紅羊湘源
昔堅城一朝瓦礫場鬼馬遂騰空嶺雲日夕荒紛紜捲旗
旆樓櫓空岳陽江漢最雄關閉關徒死傷江州古爭戰返
甲尤倉黃巍峩石頭城邊失千里揚橫禮渡河來中原氣
鬱蒼圍師成獨鹿幸聞埽欖槍名城坐收復吳楚行括囊
平昔好遊歷舟車受輕颺湖山金嶺日勝攬惜未遑

故人賦從車功石多慷慨時危雖不逝青史亦千載憶從

粵軍來危得幾不敗都護雅聲名中軍昔瞻對鳥壯武兩

長好兄弟忠烈自先代長小泉希彭兩鎮軍神牙幾英姿磊磊徐大

姬聖輩墨經慟江邱忠源城精泣天晦堂堂楚州督吳文節

嚼齒憎塵穢我聞年鹿圍奮議得權概激昂數君子夙昔

奉清誨如何荆吳淪重使鄢郢碎令牧有貞儒臨危出肝

肺時聞焚闔戶亦或戰衷鎧令名膠庠尊奇節冠笄逮噫

嗟屈數勝歷歷但親愛四十已無聞芳韶豈容再餘生竟

何著老死愁冥憤

昨歲冬不雪今年春雨慳黑風起黃埃白晝迷市闐頻聞

地穿甲又見日珥環二月春氣溫東風滿榆關燕臺昔始

遊秋冷思狐豕比來燠歲多冰霜走苗蠻天道界南北吾

生誰獨好流光委波逝畏見新歷頽計從陳兵革豐樂幸
區寰亂離如不知崇比齊邱山江鄉擅財賦天庾陳朽股
慎毋生螟螣豈獨憂豺豸

微生愴孤露師友多扶掖中年歷迢迢憂樂傷平昔窮交
幾童叟生死多變易短年悲尹洙達宦望高適長安宦遊
地新故盡迂僻少能醉褰裳但有吟脫幘房相罪死餘洛
陽又辭疾飄搖身世內流宕媿親戚春風吹停雲遠道聞
死謫一官獨敝屣數口仍浮宅名業總虛期謀身少良畫
朝馳金馬門顛倒東方戟歸來夜昏臥每讀虞卿易少壯
已無獲餘光矧窮迫緘書媿親知老至空頭責

歐陽文忠公生日林子穎叔移奉苑廬舊縣公像於家
同人卽席分韻得顏字

樞軸曾參二府閒從容文采照人寰
一時聞譽兼諸老千載風流想盛顏
常愧官寮棲嬾漫祇餘香火伴高閑
插花起舞公應在休問琅玕何處山

霞舫侍御西溪精舍乃在灌水西南萬山之中往時相訪信宿於此今十年矣頃持使面屬寫其意並題此

章

一宿溪樓百尺高樓前飛瀑夜聲豪
孤僧老疾還邨寺二客艱難感鬢毛
澗底橡薯應未變山中猿鶴若相嘲
黃塵輾轉歸來晚夢覺蝸廬試染毫

喜雨分得咸韻

是日

法駕親
謁於天神壇

郊蟬清朝敏法函靈真未夕啟騰緘
人情何限思蘇槁天意分明屬夢巖
高閣困眠便滑簟小樓攜醉記涼衫
野夫

自惜閑身手可有空山白木鐺

歐陽公生日詩同人悉作古體復用顏韻疊成二章

昔賢在羹牆興人詎容顏今古有神合如或且暮閒我聞

醉翁醉遺貌勒淮山誰將供苑廬宗淵邵位同追攀惟公

掌樞制賢者官不瘵吾徒茲典型豈惟仰高閑城南昔高

會俊父羅通寰生年適相值在日禮不刪邵子詳圖記歌

辭各璘璠吾詩驥尾蠅未與惜緣慳道光丁未適公生年

家何集者爲梅伯言丈曾濂生侍郎朱伯韓御史龍翰臣

孫芝房兩翰林刻業雲學正皆各有詩而位西又屬鼓醉

士侍郎繪圖裝卷自爲序之時余乞假南歸故未咄哉人

得與及庚戌旋京師位西索題一詩於卷尾云

事移歲月倏往邐迢遙楚越才連烽阻江關賤子直中禁

宵衣正懷艱長楊車馬休紅橋愁荒菅閩海今詞伯高情

卷晨班殷勤移齋室蠲潔集堵環菱風芡嘴熟依然採銀

濟濟賢勇梅蘇是也忘疎頑黃塵浩如海吾道職憂患千
秋存一息此舉驚市闔明當報宗邵猿鶴毋輕訕

浮生有標運烈士無歡顏未能結習忘獨乃文酒間廬陵
繼昌黎神力興衰孱生平勵文詞所懷實窮鱗我昔誦公
文夢魂親冕綸眾中肅展拜揖讓思閒閒四筵旣醉時起
舞相牽扳悲來歎感激中座涕欲潛少小况孤危中年復
痺瘰微躬本闕略芻粒儼在閑萬里一投戎盤弧惜空彎
歸來思閉置懶出襦袂懸吾謀何足云四海多豺豕念昔
醉翁時四十髮未巋余生倏見惡人海悲想跼身名墮甌
餘文字亦窺斑安能乞公靈奮筆追神姦一朝委溝壑青
史或未殷骯髒秋風吟淒涼龍雀環公平必神鑒眾目毋
輕販庭花晚雨紅好鳥鳴啗啗何當千萬壽低唱買雲鬟

同人過十刹海看荷花遂遊高廟四首

鏡瀾斜角錦香殘
閑覓西涯舊倚欄
十五年來重一醉
亂蜩聲切似相關

柳暗荷深路不知
水花紅盡匯通祠
鐵櫺關底前朝水
須爲遊人住少時

十笏僧寮好面湖
荷香吹送嫩涼俱
老僧卻斷紅塵事
洗鉢烹泉教阿奴

城闔歸路柳沿堤
淨業山門夕照西
曾是相逢油壁處
參差花葉與人齊

戲投湘芸郎中時將外轉

神貌雙林老釋師
殘編堆案草生籬
沈心著策關天下
脫手方圓度古時
汗漫詩書容我陋
崑崙風止對人奇
新來

華髮稀郎省朱轂門風那便衰

泔水春來對篠簷小窗燈火接巖嵐看君四壁寒猶在笑
我孤琴冷自諳說劍星芒時煜爚閉門朝氣獨清酣閑過
愁對雞羣鶴洗眼空青又阿耽

讀東野詩二首

我聞孟生詩天地爲愁苦今觀孟生集快若目未覩世人
滑饅餈椒薺嘗眉聚况將投藟桂摘舌不得語誰知至人
心辛冽勝甜腐中邊盡崖蜜餘甘孰輕茹不見長安兒鮮
衣鬪華組迴頭視寒地蹶足踏凍土如茲等煩冤宛轉要
傾吐自然神理峻豈獨英華楚慨從風雅薄流俗溷譏侮
那知歌泣心要與凡芮伍本師固清弱韓子謝莽鹵如何
眉山翁望塵渾自沮

掩書步庭除，翛然秋氣清。
檐柯挂殘露，滴入愁人心。
薄日翳虛曠，涼風送悲襟。
遐思溧陽翁，獨往平陵深。
卑微旣不周，參佐詎所任。
歸無崧陽田，徒有饑雪吟。
臨川生悵望，短羽迷衰禽。
平生亦鉛槧，躁言失良箴。
蹉跎及毀棄，始復成嚙嚙。
嚙嚙復何言，日夕寒蟬瘖。
誰知大海涯，永望遙山岑。

中秋夜集寓齋分得放字

我有明月懷，常時苦塵障。
今宵與月明，光景特一放。
人生百年內，風雨惜疇曩。
春江美花月，光影徒漫浪。
晚景忽侵尋，良時譬盈望。
功名委逝波，文字託微尚。
壯夫雕蟲事，低首鬱相向。
甯知千秋後，一得果誰當。
蝸廬炳明燭，近局酌清釀。
居然人月圓，美意足相貺。
寂寥視天中，高牙幾戎帳。
沈嘶悲戰馬，鐵壘臥梟將。
可憐河漢秋，士女紛餽餉。
頻年

關山路沙塵盡遼曠羣公中禁資頗牧復何讓賤子獨單
寒荒村憶益盜深宵玩玉輪徹骨轉悽愴酒闌各分賤聊
爾一軍張

海門琴西先後見過而僕以事他出不遇

齷齪富兒門棲棲肥馬塵平生道氣薄每觸生嫌嗔何況
二子賢風規夙所親亦惟二子目視我非夷倫嬋娟忌自
昔美好必爲隣如何失倒屣乃逐飛蓬根

飛蓬滿京華百物喪其真我居果何樂聚此賢達人舊遊
倏化儼局促難爲新何當屏百事晤言窮夕晨四海况風
濤千秋宜主賓歲寒有松柏摧落懼爲薪

九日集穎叔齋中分得世字

秋氣忽已深霜清肅天地茲辰邁陽九時懍堅冰至頗聞

昔桓生登山自攜累何如陶令賢
籬落有幽事吾儕緣利祿浪說金門寄十年
笑黃花枉作迎風媚可憐人事移遽爾霜顛悴
黃塵浩如海何處深山避倬直晚歸來詩翁喜
聯轡行沽薦鄉物高詠關風議眉月上庭柯傾
敬各沾醉但能同笑口休問人間世明日聞香街
金釵不知墜

不寐口占

欲落不落寒蟾明欲眠不眠孤檠清
中庭露下夜涼覺窸窣饑颺撞壁鳴

強年短鬢不勝搔嬾性卽今雙闔牢
不道夢回驚戰鼓五更疲馬齧空槽

杪秋自廠衙移居永光寺街疊韻四章

長安十四載邑邑久如客昨歲賦輿居
一年廠西宅老屋

八九椽蕭然稱幽格當時江總豪傳舍愴成昔

別居爲故司業池公

舊宅秋風隣樹長朝日有新色客來前除坐差勝野航窄書窗况多明夜月每先得如何窗間讀經歲未有獲欲去大有情蒼苔媚階石兩間同逆旅繞屋轉通夕

側身在天地惘惘一孤客艱難聞義方仁處乃安宅風塵早浪遊少小卽孤格枘鑿旣違今方員又慚昔無端背邱隴親戚黯離色車鳴動九達我步獨窘窄楹書雖風抱鹵莽安所得頻歲况奔馳弗爲更胡獲欲歸謀數椽屢轉如橛石棲棲重棲棲使我不能夕

東南頻烽烟橫野盡輕客故山愁越粵一畝少安宅山川名勝處大抵爲戰格頗聞萬厦豪焦士恒一昔鄉閭昧生死悵快南雲色鐵甲照霜寒穹廬憐偏窄書生論數分歸

卧那容得推宅感親隣閉門愠臧獲朝來軍書急據我中
書石碌碌問何成羊牛下日夕

新居玉池上几榻近禪客朝日聞鐘聲新陽每升宅似聞

辨師日朝野重方格我懷兩首座名業在疇昔元初辨禪師所稱湛

然玉屏兩首座者即北舍與南榮灑掃多氣色依然密素

耶律丞相金翰林也謂海門嘉樹百年材清陰喜時得打門馳

心不離一衲窄潤臣賀詩先庭閒有餘閑前人種遺石

賀章失喜袖珠獲至即此韻也明月照高槐相過此寒夕

稍聞廣州消息

秋來魂夢時顛倒鴻雁江湖不可尋溟嶠風烟偏又起亂

離歲月忽相侵陸梁新道纔通海安隱荒園說搗碓便擬

蘭臯徐步馬鶴鴿原上秭歸林

十月廿一日書事

薄日黃埃迹遂陳
傲帷蕭瑟不成春
愁看榆莢相料理
忍憶桃花最擾馴
穎士風流空誤爾
子淵才調不謀身
平生百事乖離盡
捐落奚囊一箇神

喜得石谷子畫山水障歌

始與公子王廉州
道逢外史驚仙流
攜之往與烟客謀
烟客一見稱吾儔
烟客師乃師烟客
此語古人今則不
觥觥一
代丹青手
當日二王親
講授猶嫌未到元
宰室
稍喜曾爲正叔友
南巡恰值康熙年
乘輿萬乘輝山川
此時此筆獨千載
作繪山龍宜後先
大成奄有唐宋元
兩宗合一清輝妍
神飛獨具鳥雙翼
揜闕造化爲寬閑
惜哉傳世罕真本
廓落形模鋪碎錦
每看蔑屑無全色
坐想溟茫有真境

淋漓大筆忽有神尺幅斗覺天機清筆鋒如劍氣湧出磊
落皴擦紛嶙峋就中體貌最親切龍勢拏攫雙松身何如
王孟端焉有李長衡石谷自有天然真詎應零落隨風塵
攜歸張我雪色壁坐恐夜來真宰變化倏忽生風霆

夜讀霜紅龕集偶賦長句

老翁避人如麋鹿滿頭霜雪垂鬢髮殘經破卷同一車阿
眉挽之行風沙後推兩孫雙髻丫暮投旅宿如還家篝燈
夜讀聲啞啞曉窗背誦爭啼鴉覆之無有一字差問翁何
行翁猝嗟誰知海角天之涯少年橐儻迷網罟髡鉗獨身
神蔽遮晚逢陵谷棲丹霞星火到門聞急槌可憐病足愁
霜鞞天門蕩開飛雪花蒲輪拳縮皴雙脚道旁兒女羣誰
譁放歸倉卒縣青緇老翁淚落霜天笳往往謹作漁陽槌

肝腸古雪生冰華鐵蓮千葉紛奇葩我今咀嚼如梨楂人
生百歲真霜茄天寒野陰疑路賒深山大澤盤龍蛇

歲晏述懷八首次海門和翁大冢宰心存秋懷詩韻

席帽青衫謁帝京西風寥泐感吾生一從玉棘橫滄渤再

見金符出禁城榆莢迴風秋漕海南中榆莢秋抄生許蘆海船回空正其時也

花堆雪夜連營期門龍武軍聲壯一昔狼煙左輔平

愁思茫茫未有涯邸廬晏退寂無譁蕭條冷宦慚空幣慄

冽寒穹妬霰沙入冬未雪幾處鐵衣傳遠柝有人華籬擁高牙

澗池好奮垂天翼顧我雄心付澤車

隱約江城燕子低江南江北盡征鼙旌旗夜火瓜州亂樓

櫓秋屯鐵甕齊那忍登高望鴻雁終須入水斷鯨鯢伏波

老去英聲在休復沈鳶悵五谿

荆吳千里接亭臯，迴首顛風斷羽毛。
水面鐵犀宵濟暗，磯頭黃鶴亂烽高。
縱橫壁鴨當關在，狼籍沙泥漏網逃。
卻憶湘灘幾城闕，湖光山色尙周遭。

傷心蠟穴動蛟雷，豹畧龍韜鬱未開。
百戰睢陽曾裂眦，千金郭隗自登臺。
連鄉約束聞雞起，巨艦蒙衝擊楫來。
聞道風檣揮未泊，滔滔江漢此雄才。

年時憔悴望刀環，身到蓬壺縹緲間。
陸贄有文原內相，謝公無處著東山。
金枝翠萼看逾好，玉氣珠光去豈還。
多少五陵裘馬俊，紅樓何事夢蕭關。

劍鏃山疊萬峰青，海霧迷天戰血腥。
蠻日江城棲灌莽，野風燐雨雜飛螢。
依然列徼纏兵氣，又見高原落將星。
滇督羅公 赴勦黔匪及境遽卒適與林鄉國離披書帛斷女砧霜月
文忠督師道毀潮陽事相類

獨愁聽

姊氏劉在廣州

虎踞龍蹲勢鬱蟠瓊樓高處不勝寒優游賃廡藏身易慷慨陳書報國難問有懷清封蜀女幾能歸隱築王官尙書白髮秋風裏獨唱陽春思渺漫

海門棨西近以館職過從稍簡寓齋獨坐檢去年長至韻柬懷

纖月高高上紫闈梅花消息又驚春燈前亂葉書塵積鏡裏愁絲鬢雪新江海有人騰虎氣文章無夢接龍賓柴車牝馬嗟同病左城毋忘筆有神

臘日夜集絳趺仙館限韻

山肩鶴骨笑凌兢竹屋松明對不勝稍息風聲知夜定偶來詩思覺雲興殘年禿鬢人空老凍地枯霜氣不升蔬粥

年光渾好在莫辭長話短檠燈

臘粥

索歡屆窮年舉令稽常俗合餐爭口數甘飲得糜粥市沽
紛果核蕪合雜芋粟松明爐火青乳泛鼎花馥競傳神辟
疫詎止膏充腹乍疑酪椀白不藉酒樽綠異時寒食煎常
日清朝蓄春晴蕊脫梅秋晚英收菊七香矧調和五味更
飭簇芬將梨棗并醅豈鹽齏辱自然淡如飴翻覺美逾肉
憶從公孫進曾佐秀才讀節剛道仍廉咄嗟辦尤速艱難
聞煮土薄劣勝削麩一甌儘豐腴七日猶馨郁隣寺乍呼
魚書堂又添燭誰家翁姥存爲語豆麥足

槐癭

人生世無庸大似木有癭新居檐角槐忽訝癭在頸初疑

懸柯蟻旋訝附樹龜不然許由瓢漁父之笱箸或仙翁獨
壺僧顛偏出程纍魁復磊塊厥狀頗頑獷問槐胡使然身
立遭此梗疣生幾風露遂爾連形影我聞緋衣兒雄年生
實幸不見長頭醫枉爲一割逞龍蛇信多變覺縮意何騁
或言斲輪困得似縣匏整其容且斗石大用出微售鯁生
昔有疾無成祇虛警就令落浮瓠安得莊生隱况聞楓人
惡雷雨生重嶺槐龍得毋怒項髀突撐領窺憤計空然艱
危竟誰疾成詩更無用聊可剗樽飲

十二月十九日寓齋退直同海門潤臣作東坡生日陶

鳧薈櫟張詩船祥河兩侍郎丈與孫孝廉福清琴西

萍缸穎叔會者九人分得新字

街頭昨日聞鞭春春來爲作公生辰荒齋合座斗春氣燭

花香篆疑公神張侯葉侯發興新高軒揖客凝冠紳皤然
二老今斷輪瓣香拜祝神能親春盤飢座雜五辛黃雞花
豬羅核珍橘奴顛熟連霜筠估船昨來從海濱兵戈阻絕
南北垠江海咫尺纔通津吾儕坐食甘醕醇武陵陽羨愁
荊榛金戈鐵馬伊何人白鶴峰頭笠屐眞黃州禿翁髯絕
倫大江東去一悲嘯自憐華髮生飛塵一冬不雪過九旬
朔風如吼空巖噴舉杯酌公客起巡來朝大雪飛龍鱗沽
酒更約東家隣

小除夕海門招同琴西穎叔寓齋祭詩分得不字

九衢不雪塵生拂蛇壑光陰懍飄歛精廬重舉祭詩令同
酌深杯迎島佛島佛距今千有年五字高名懸嘯吻當時
蕭寺夜中起百石洪鐘帶霜剗推敲馬足不避人撥刺船

頭等行乞可憐磨鍊窮年歲卻把厯餘澆佛鬱我今好詩
情仿佛混雜龍蛇首還屈深夜燈前吻有聲清朝花底頭
忘髯雖然所好亦多事只覺相深唯此物境緣屢苦心逾
切才每未充情或謂四十年剛一訖東華塵土朝衫靴
金印縣腰事已遲青山對面顏先艷寒闥聚影又三人主
人文昌神蹇吃再拜焚香勤省被誓從便選除鬼魅底須
矻矻耗精神不見倥倥盡彊偏天門跌蕩參旗拂門外春
陽動冰浚香煙恍惚神有言執鞭可從吾豈不

西池四首次韻

素綆銀牀話峭風高樓初日記瞳矐珠光夜夜嫌宵短玉
價年年說歲豐誰遣通詞陳聶壹要將清望屬房融東風
剗地都陳迹明月梅花迴不同

花外輕雷動日畿好春當日已全非三千牘總金花暗卅
六鱗空錦字稀何事漫爲鸚鵡舞幾人同著薜蘿衣傷心
碧海揚塵後親見雲旂降紫扉

好是西池汗漫游華胥何處著離憂祇應窈窕承青眼枉
作淒涼誓白頭雁外微茫書帛去橘中瀟灑石枰收仙源
寂寞人問世花底何人爲借籌

青鳥雙飛落醉巾雲窗霧閣恨頻頻零星翰簡空遺事落
拓江湖笑散人漢史螭頭原自貴阮郎犢鼻未全貧東方
金馬歸何晚賸把官廳託小仁

巡防夜直次穎叔韻

周廬夜柝遞寒聲振觸林間求馬情雪裏關門悲故將
老亦在直天邊參斗拂殘更似聞泮游求靈藥誰信韜鈴出

老生我亦金門慚潦倒蹇車長嫺戴星明

直廬寒夜疊韻叔韻

風動槐衙萬馬聲蕭蕭布屋幾時情林鴉叫月清無睡禁
析沈霜夜又更樺燭宵衣自平世鼎鑪寒火似微生露書
待報何方捷殘月螭坳直到明

龍壁山房集卷七

已未集詩

乙卯

馬平王拯定甫

人日集葉潤臣齋中分得開字

東風仍自好先向 帝京回七子草堂集一樽人日開小
桃將暖出新雁帶寒來忽念題詩者飛騰雙鬢催

元夕琴西邀飲酒樓同海門作

隱隱紅旌鬧沈沈玉漏遲金吾猶有禁明月幸無虧甕熟
春香透樓深夜景宜微風吹酒面歸路要新詩

時聞收復上海縣城

奉題海門老兄尊大父熙河先生泰山紀遊圖卷

絕頂登臨意蒼茫圖畫存定知天下小猶見丈人尊楚國
先賢寂陳留片石溫聞雞夢滄海抵足共詩孫

二月五日社效朱子爲續斜川之集拜淵明像適從子

質夫自粵中來卽和陶韻

中和有五日沐居逢番休追維石馬言擬續斜川遊春社
況茲辰蹉跎光景流棲遲人海中蕭然若浮漚有客遠行
至枌榆來故邱雖無遠遊矚賴有良匹儔遺像拜虛堂舉
杯同獻酬未知千載人能復歆此不春風長桑麻穰時懷
百憂人生快觴詠所欲非可求

質夫來都新詠斐然

不道三年別重逢百事違如何躡芒屨不得守荆扉負米
隣長路囊琴悵落暉青雲一迴首那獨爲朱緋

宛爾陶公語新詩山彈九開樽逢客至把燭幾回看世晚
卑玄術時艱切宰官窮途愁老阮華髮送儒冠

我非屈左徒憔悴獨憐須落手書疑夢驚心淚轉枯天涯
餘骨肉海國盡荏苒望仙城月圓樂更許無

新年聞吉語到此幸非訛幾處傳旌節相逢得笑歌却看
孤影在翻覺暮愁多年少悲羣從飄搖奈亂何

是日並得諸從弟粵

書中

三月三日同直諸君禊飲城南頤園

不踏豐宜路郊園春幾番小帘青出樹新草綠生垣爛漫
千花國彎環一水邨舊遊尋斷句飛蓋忍重論

海棠開未了微雨又添花邃館藏春霧遙空映晚霞草香
初引蜨池暖早鳴蛙姹姬豐臺女殷勤護藥芽

勝日風煙靜新陰草樹成俊遊逢上巳冷節過清明禊事
宜休沐鄉園厭甲兵好憑諸路捷都及薦林櫻

往日宣南陌清尊車馬閒避人花市雨邀客寺門山露葉
開蓮小烟條放柳慳暫時塵土外休復擬醒還

柏規先生袁浦書來並寄兩年所爲詩冊悲喜有作

世變誰能料生存已可哀一身同谷在十口涿州來寂寞
荒村過倉黃戰鼓催軍門有嚴武東閣好停杯

孤學天甯妒高文世盡降任人談富阮何意折窮龐戰伐
沈鄉井江湖繫客艤蒼茫天意在吾欲載蘭缸

琴西入直 上書房授親王子讀詩以賀之

聞平自昔崇儒術賈董於今重傅才從此高名冠瀛島居
然僻巷起蒿萊三天雨露黃封下上邸笙簧玉珮來曾憶
常時鷺鷥伴牆西明月對銜杯

梁叔孝廉有詩寄懷賦答

往昔軍諮重筭參祇今戎略付豪談每聞騎士愁轆下枉
說威聲震斗南杜客亮邀嚴帥禮李侯長畏隴人慚五雲
深處頻傾耳獸聽餘皇戰鼓酣

附梁叔見懷原作

星霜滿袖赴朝參萬里兵機應立談載筆遙看天上
寄書不忘問江南驚人真有凌雲氣謀國能無食肉慚
安得翅翎到君側蹙時呼酒入沈酣

六月七日雨後曉直 承光殿作

東西池水跨長虹水殿凌霄翠堞中萬柄荷香迎
御仗千年松蓋駐靈蹤殿前龍武新歸節海畔蓮華盡洗
空何日酒泉分玉甕簪毫一賦罷南戎

奉酬彭大司空惠題海王邨館詩卷之作次韻

紫禁簪毫夙有聲金鼈老筆倍深情
欣看曉鳳尊儀羽愁聽宵龍亂柝
更玉珮雍容常晏退春風澹藹自
平生朝端爭說山公度會整金甌
答 聖明

附彭大司空作

變徵傳來激楚聲杜陵歌泣不勝情
蠻荒策馬風雲暗螭陛揮毫歲月
更奇峭每傳昌谷子丰神還似玉
溪生人間箏筑多凡響聽到靈璫
耳暫明

啟門

啟門時偃息斗室自遼遠短世憐
彭祖長天學宰予靜思人事錯
翹覺世緣疎晚食猶餽腹浮雲
任太虛

獨學憑誰好微吟忍自嫌半生
貧病在一味冷慵兼顛倒牽蘿
屋深沈蔽席簾旁人錯相擬
漫迹似貞巖

歐陽公生日穎叔水部送奉直廬遺像寓齋復集陶兒
薌少宗伯宗滌甫丈海門琴西辨石諸子爲壽分得
者字宗丈今年來自山中昔直苑廬始顏歐齋爲公
生日者也張詩船少冢宰按順天試未及來會故卒
及之並懷柏槻先生

山人蹶由乘驄馬垂白赴官真健者歐齋自昔有淵源今
自茲堂合稱尊歐公生日成故事同寮幾輩親風雅南宮
先生八十翁麋犁肯逐羣臨社菴菴有母能封鮓穎叔自題齋曰

菴施詩酒雄豪獨嗜啞自從扈直罷宣曲扇子荷香空豔冶

尊嚴遺像虔移奉蕉荔馨香供高厦我慚文字近疎慵

閤昏昏閉長夏賓筵炙熟頻來醉髣髴清看擬重寫時力手摹

公像去年此會懷杭越豈意眼前杯重把依然一客困青門

聞迫飢驅走塵下

西謂位

人生彥會憐凋寡弦魄光中燭花

地紅紗眼底愁殺人童頭脫冠思子野

柏視先生近客清
河亦膺校士之聘

書憤

吾

皇承金甌聖智神清明百工思亮弼四海觀昇平如何嶠

西縣黃巾起微民元年辛亥春我從丞相行六月朔四日

桂州入元旌是日賊逐走中平還紫荆震威千里外追逐

可成禽況我有前覆象州會駐兵何爲金鷄戰偏師匿州

城大令敢輒撓諸軍亂旗槍

六月四日賊出中平百丈還
走入紫荆時駐象州總兵某

帶兵千人
匿不出戰

是時向榮

與烏蘭泰

威聲猶埒勅兩軍相先後

及賊青山坪一戰賊負嶠恃險螳臂控雙髻盡後戶宣墟

廢前庭十日豬鼠奪螯弧夜先登

向師勦奪豬鼠嶮
遂得雙髻山險

將軍

落天上卷甲勢豈停悖哉都護誰不鼓從而鉦雙嶽山

星夜進某都花雷走羣兇風門奮空霆逆全等不三日盡

統執五不可墟我軍至十宣墟賊爲巢四圍踞溪塍圍師

遁出山踞宜門坳斷後賊

豈不周向後烏前營半月又蹉跎孔村惜虛聲自茲烏向

隙賊逸由雙鵬向密請大帥飭南路進移營而孔村日報

鷗化兩烏南又三匝北師氣徒增官村怒焚舟一蹶憤且

嬰同瘦向師敗官村以不得賊得徜徉去濠州踏塹坑南

接應幾覆軍遂胸發疽師遠巡及塗營聞蚩備桂林時已震先出魁士魁與瑩姚

容賊溝壘彌月經營成

王怒始赫然帥旗肅親征九月九日督師奉師行百里駐

都荔息搶攘十月日將晡軍門來渥頽病餘走僮倮一旅

請南荆中樞夜集議詰旦軍爲驚果然孟明將指揮貌鯢

鱣一戰龍潭復再接橫嶺清飛騰十三捷萬眾譁雷鳴月

提軍病起來營請得楚兵獨當一面督師悉

以北路委之遂有龍潭諸戰直抵州城之下柰彼負固力

豈能徒搏勝中軍憤且前見賊賊愈輕況令南北師轉益

水火爭羣旅又募充如蝟蟻沸羹待彼竄而擊斯言豈無

徵壬子歲除大帥至軍前屢攻弗能破向老乃爲此論或頗笑之矧當積月雨賊已空瓶

罌攻堅詎弗力鋌險殊未懲二月始生魄龍寮夜開扇三

伏計已虛追擊猶當能古束尾而及賊尸戮如京前徒雖

出險荒緘失倉廩我復兩翼前張敬修劉長清若張魯誰

令霧雨中山蹊鼓而升兵家有死地大覆蠻山陘坐看釜

中魚又成跋尾鯨一朝歿四鎮殘卒歸伶俜二月十六夜賊窮極走古

東冲我帥追及大勝十九日迴憶夏洞泉在大帥處慘傷流

冒雨繼險貪進大敗賊又熾

血聲三日僅收合恍然如醉醒時危眾說進決策將誰憑
扶荔幸先著孤城據危傾吾師甫成列賊至前綏迎荔水
一交戈賊徒西北併榕城誰備禦倉猝兒倒紉咄哉將軍
寵間道窮郊坳嶇龍西路雨夜雜徒乘免曹及國門羣
呼聞角崩須臾賊虜至叫嘯萬目眩至今桂之人援師疑
神靈守攻一月餘癸水流腺腥向老師徙北行旣守荔浦旋復間道疾趨省城先賊
至守亦有江郎師忠源水東來結坳賊謀始大緇宵遁復
牽繩城中卧王羆久矣病莫興誰令追師弱戲若驅羣蠅
五月湘源哭孤城慘零丁小堅大之破詎爾溝壑經乃我
萬師及城中火熒熒簑衣渡頭船燧若亡穴四月一日
撲全州追兵僅七千人又弗能力援全守禦極堅東方天
迨和鎮春領大兵至城已屠矣然賊走極窘也
馬空鮫鱷又滄溟此賊最狼狽飢颺折翅鷹被戮東走

瀟江阻夏漲有庠乃虛承經歲說邊防楚山空峻嶒粵師

雖踵及疲敝亦可矜三月營道師圍攻如缺甕秋來健隼

翮肉飲重竊騰榔桂路千餘寸尺多鋒刃指揮儻如意火

炎昇騰螟跋前而寔後手足胡凌洩賊撲承不遂而竄踞道自夏徂秋逸出擾

榔桂間下灌等處不八月圍星沙分軍賊渠猶妙高一峰

踞羣咻聚蚋蚺熊湘十萬家比屋明宵燈誰知完玉壁猶

藉將也榮嶽麓對江出客來話圖經圍師又一闕賊走眾

目瞠自此勢成逆高原逸奔麋可憐師楚粵千萬費水衡

兩月憶城中日夕雷霆轟歸來性命得忍復思兇凌長沙之圍

賊渠蕭朝貴自榔率眾先來死焉向帥病起至自粵而城

守完而賊得復窺又以嶽麓不守我師遷延不成圍也

江漢幾波濤霍盧悉荆榛長江千里翻石城百雉傾吳頭

楚尾地三載廢犂耕渡河萬羆豹開關乃邢洛妖氛數翕

習鬼髮盡鬚髻禍難斯云極青天誰可攀去年秋風利戈
船聞結纒巴邱始微蹶鄂旋崢嶸直下收斬黃居然高
屋瓴莽蒼列城復飛揚殘籜零快哉師墨經此舉何觥觥
溢浦及春早江波颯洄渟况當滬瀆還黔池亦波澄急羽
海中到威聲傳楚庭河北又疊捷連鑣翦梟翎林李林鳳祥李
開兩賊顛西街正天刑擒渠埽其穴功孰侔侯京又彼夾
江壁戈矛戛砮碎餘臯鼓聲振坐拔三山青北路旣蕩平
便南師躍備倉瓜揚輿版牖徽黜整垣閣憶從軍事來喜
氣茲芽萌人家買香膠田老蓄肥牲 朝廷懸上賞五色
備統絃樂部習歌曲八音謹韶箠南風忽不競一蹶溢瓶
餽建業天下雄師中誰實了我知眼中白翹彼糞上英未
見趙括敗幾能馬謖爭連城走奔電萬眾愁飛螢坐使江

州甲孤拳徒努睛橫空長妖燄瓦缶復碎旬樓櫓旣不前
豺狼計環生東窺黃石壁南泛擲湖萍可憐全功失徘徊
星渚胎巍巍楚材雄數月翔湖汀古來重樞機一失百殆
形彼狡計漫出燼餘得炎蒸鴟張又楚粵蠕蠢及郿卮烈
士擬上章孱功當擊扞道途切齒言害身宜決瘦平幸叨
聖人鑒褫奪快羣憎頗聞臨淮師壁壘氣若烝鼓行下襄
河眼空蔑狸狴無關又連勝兩載虎穴凭湖內重結束橫
戈醉官亭乾坤大斡旋拭目數豪英餘子下自鄙因人本
徑徑鯁生更無聊設匣慚青萍儻其燕然勒猶得橫吹靡
何時奮突管酒盞十丈珉論功罪亦誅若能逃刺黥

拱辰樓絕句

在圓明園軍機直
廬七峯別墅中

小樓一角護垂楊攜得秋風襖被涼不信人間是天上樓

前銀漢接紅牆

湖海銷沈鬢欲絲此間來較十年遲
午鐘了卻官家事惟有西山對展眉

屈指桑蓬在祿年樓中題字故依然
風流祇見雞羣鶴綵闕彤牙一世仙

拱辰樓扁字爲乙亥三月葉雲素前輩書
適余生之日也

妙筆興宗好屬文幾人惆悵惜離羣
九重依舊巢痕在燈火青熒獨夜分

雨夜

如何煩病耳一雨又淒其夜久荒雞斷
秋深戰骨悲飄零愁大樹迢遞失輕雷
猶有高樓婦經年蟋蟀幃

夜讀霞軒詩卷卽送之官

笑爾耽吟癖如何似我癡應須赴官爵
休遣折文詞別後

能無句尊前定有思送君持底物悵惘不能辭

喜從弟芝庭來都

自汝違京國經時懷百憂重逢俱好在相對復何求蒲柳
驚先槁兵戈悵未休可憐少壯日似我恨悠悠

剡曲鏡瀾平灘山劍鏑森故園都久別薄宦幾沈吟旅食
傷秋雁須鄉急暮砧龐公方亂日何處鹿門深

我隱金門宅君乘碧海桴優容當陸載莽蒼及關襦志業
悲長賤功名羨百夫余謀方自拙出處爾何如

聞道流亡日流鶯勸客來一樽剛九日強病爲登臺試極
天邊目猶疑夢底杯插花渾自滿倒屣不須猜

秋日淀園道中次韻

一路垂楊色都攙落照黃寒波出略約遠樹露宮牆野菖

沿蹊蓋自雲遂客忙年年搔鬢短田畝又登場

疊用前韻呈陳吏部同年

鴻壽

試寒風料峭將曉月昏黃野色零邨火林霏落苑牆歲同
秋草賤人似曙鴉忙不辨鐘聲處城隅尙佛場

舍旁隙地治圃未幾時已秋矣慨然有作

中年愧精亡懷安在居處退食常早歸獨居時閉戶舍旁
一硯區瘦病兩槐古老屋四三楹經年蔽塵土朝來自灑
掃齋坊出清午笛籬綠旋折餘地恰規圃雜植羅花木通
霄感靈雨惜哉佳時過栽植定何補柳弱竟新莢葵傾遂
重葦欹牆數莖竹枝葉亦鮮楚居然生意滿清蔭彌檐宇
丈夫志四海一室安比數何況抱甕希經營殊莽鹵
汗馬願空奇歸來尋汗牛朋交幾迂僻來往日綢繆常把

種樹書異聞山海按有時樹根讀偃蹇對龍刺灼灼桃李

華非時復何求藥枝紫白丁美植誇營幽亦有異產妍經

時難燈毬

絨毬一種出洋島者色正赤而花差小且尤易生花開數月不斷

朝霞窗牖明

夕靄簾衣流如何歲黃落風雨倏颼籬根蟋蟀鳴零蔓

垂牽牛虛懷涉園樂漸泥墮戶幽薄暮眾籟歸蕭然人海

舟時邀隣圃顧獻納多良猷

種麻須蓬直種松蕭艾單種竹苦未長種花何人看我生

味本業有志徒酸寒扶持望君子晏處超榮觀四序任推

移崢嶸愁歲闌從來古賢哲道力嗟同艱茲屋聊暫寓居

甯百歲安林宗雖信宿灑掃不肯閒亦聞竹林賢館食修

銅盤調學縱未成生機詎容剛明年儻猶此補植千檀樂

同舉西園遊金山寶藏寺飯蒼雪菴暮歸直廬

退直車馬閑尋山簪槥具神皋接宮苑數里出邨隔午陰
藥樹清秋色雜花妖離離山果赤濯濯溪女素幽探忽忘
疲勝引每驚顧岡巒始參呀烟炯益軒露有時錯澗石亦
或蟠雲樹谷鳥旣迎人林霏漸遮路頓疑朝市遠遂覺泉
壤富邱壑本平生袿裾強干務林棲忽如歸塵埃不知處
一徑入山麓豁然靈境開飛蛇寫而升蒼翠兩山迴空明
轉天門曲折凌香臺樨馥蘊庭際竹風盤砌隈清冷屋後
泉隱約山之厓細響闕珮環幽光瑩蘚苔前登虎豹叢上
出雲霞堆昆湖盪我胸三山何壯哉憑虛一以眺遠景窮
烟埃老僧歸錫遙貌考心嬰孩誦客遠遊什醉我香積醅
山中自日月花草殊璨璫不觀大師碣磊落猶顛涯
山風催夕曛暝色入蒙溥客從寒山下人影對蕭索迴首

翠微間蒼然橫寺閣林坳漸希微邨徑殊營礪雲沈遠鐘
蕩日挂殘凋弱好景悵易違茲遊會成昨歸人過樵牧情
話藹桑落誰知天日親別有山林樂江海憶故區雲泉諒
虛諾籬花開又徧湖水潦全約行行復烟寰却顧但遼遼
栗西過余樓居穎叔留飲暮歸有詩依韻奉答

風波不到平湖水倒影西山似看翠樓前日日柳絲風冶
葉倡條向人媚佳客能過笑語春舉杯同是謫僊人眼前
如此不能醉寥落西風吹鬢塵

憶昔行贈陳抱潛來都卽送還保陽

我昔識君歲辛丑道逢蘇季稱吾友

虛谷

錦衣玉貌自天人

富貴浮雲不挂口讀書磊落千人辟落筆飛騰萬靈走有
時卯飲醉天橋虺憤狂吟酣至酉我時意氣亦雲霄豈謂

彫零遂蒲柳別君大寒乙巳冬君時麻衣雙淚紅蕭條白
日下滹易送我單車衝雪風南行萬里窮珠海秭歸村落
須砧在錦衣人羨我心悲老病羶駝不能載西風蕭瑟鷹
南飛我復扁舟沂北來道途行旅獨愁歎一臥滄江病骨
摧勾踐山城秋雨多闔閭門邊聞暮歌茂陵誰問相如渴
雙鯉迢迢可奈何迢迢雙鯉來河曲卅六金鱗粲盈目黃
塵烏帽也棲遲爲我淒涼混歌哭怪哉李白幸未死餘息
更生在人世歸來憤著短後衣擬縛孫盧獻天子未從赤
松遊那得白猿書沛公天授不可遇奇計居巢空爾爲歸
歟古木思寒山紛紛猿鶴愁烟巒兵戈未厯風輪劫風雨
聊息天池翰聞君三載哦松署仕隱旁人不知處孺人稚
子盡歡欣日夕斑衣還奉母人生此境安可得玉署金門

還跼踖我方蚤獨歎無聊君亦雞棲殊有役江湖歲月幾
何年與君一別同鬢鬢鬢霜頭雪俱轉眼柰此落葉秋風
前夜來暗雨銷窗燭癡奴屏風忽頭觸相思明日帝城空
殘月蘆溝愁騎獨此別胡更促相逢殊自憐貂裘有客來
馬前虛與君相約攜征鞭徑須十日沽平原東風馬耳置
萬事楊花如雪春風顛

陳幼舫上舍出羅杏村老人畫盆蘭幘索題因寄其尊

人桂舫刺史

桂林山水窟畫師右族惟江東我昔曾觀山水幅磊落巨

石蟠長松

謂羅先生存理老人

再傳喜得杜陵筆山村品格餘宗

風

仇山村息號杜陵女史

青裙素髮今老矣蠻鄉兵革愁蒿蓬幽蘭

國香九畹叢供以碧斗珍珠葉蕭然珂珮出明瑟雨花烟

葉何慳恹城南池館開木容秋齋憶訪星橋翁

謂補翁長老人之父

平生枉著朱門履白首寂寞歸灘中徐黃花鳥變宗派
也此筆猶見中郎豈陳郎年少致閑逸扁舟貫月思長虹
李舟不愧名父子愛此尺幅淵然衷世人浪說焦尾桐古
來名跡愁靈通看君寶此什襲重縹緲付託憫乃公我今
發言惜龍鍾他日名山投阿戎

槩西翰林所居澄觀園直廬庭有杻樹卽枌栝也

往聞西都言今見南齋句

在時程侍郎思澤有賦

枌栝本形書枌栝

實宮樹山樞蟋蟀唐魏風牛筋詰屈談邨翁如何長春萬
歲此奇木往往溷跡蝸牛宮蛟龍蟠屈身天矯碧葉青枝
看逾好二月春生白練花移根合在蓬萊島西園羣樹秋
不彫西風澹日林塘劫珊瑚朱實挂檐隙雪花碎蕊猶生

條春華忽作秋光妖欲覓天梁問修媯好與貞松訂歲寒
底須修竹憐遲暮盤弧引缺奔天狼羽書日夕飛明光咄
哉此木稱材良丹漆膠革十石強淇園有竹箭栝長往試
飲羽南山岡

周獻臣貳尹屬題春郊洗馬岡卽贈

幾輩蘇程戚當時桂柳間小年同蹇難遠別悵河山戎馬
方多事風塵各壯顏相期常澡雪麟閣有孤孱

郭莖修觀察南河一別重晤都門偶題畫菊便面爲贈
清秋淮浦夜病客一扁舟風雨勞相送關河迴獨愁重逢
來紫陌多難話滄洲且莫傷遲暮黃花耐晚秋

海門老兄典試山西復奉視學湖南之命寄贈次栞

山陂野鶴未全衰，錯笑旁人震羽儀。
望裏雲山知更遠，別來魂夢欲相隨。
濟時能幾河汾士，訪古還多屈宋辭。
獨有天邊兩蛩蠖，曉窗燈火照離思。

步和彙西 賜哈密瓜恭紀

禁垣相望五雲高，錦榭珍攜感木桃。
底貢何緣同賜食，軍機處每歲將除亦霑此賜剖甘重喜得分叨。
九邊冰雪誰乘障，七澤

烟塵尙帶刀。宛馬藉盤驥首意，與君簪橐敢言勞。

侯官劉炯甫徵君過訪賦贈

徵君嘗隨林文忠公督師粵西軍幕

翫憐英雄淚滿襟，那堪相見鬢華侵。
安車傲策成孤士，宿草寒烟指故林。
舊幕河陽同往事，新篇梁父獨高吟。
與君燕市悲歌裏，更覓何人擊筑音。

懷海門作疊用前韻

不道駸駸蒲柳衰晚來相對惜丰儀最憐永夜深沈語同
是當時屈曲隨擊汰湘流君莫負閉門人海我何辭依然
明月清風裏迴立蒼茫有所思

寄楊至堂河帥

以增

使者身如萬斛舟海源天際獨悠悠遠探佳士猶青目老
柱艱時幾白頭閒日高風徐鷲榻清宵明月庾公樓他時
建武徵文獻寂寞儒冠話楚州

穎叔齋中消寒小集劉炯甫孝廉出從軍圖索題

圖中爲前督師林文忠公及徵君二小影曩從征粵
寇道中所爲蓋圖未久而督師歿矣

聽竹蕭騷鳴敗葉朔風攪空天欲雪華筵酒半燈燭昏劉
生之圖黯愁絕圖中老子真人龍劉生褶袴來趨風當時
奉詔起滅賊想見談笑驅熊東南吳楚憑江水怪叫橫

氛何時已至使英雄淚滿襟出師未捷身先死湘子橋南
秋雨翻劉生有淚猶傾盆誰憐寂莫單車詔彌復淒涼國
士恩酒徒擊筑燕市多座中有客顏先酡冰霜晏歲忽如
此戎馬當時恨若何人生慷慨不稱意鴛者折轅騅忽逝
劉生卷圖勿復言酩酊四筵各霑醉

萍在席間賦哈密瓜

敦煌有仙核穹隆出邊郡時新重甃生遠物況儂運皇圖

大荒闢古路陽關近前朝夸沙金吾國等青鞵今哈密即前明金州

等深雪蟾虬苗寒沙韭蔥攪靈苗獨異質羣苾許羸紊膨

中龍蹄困銳兩羊角奮黃通裏晶脆綠駁外痕豐甘嘗侯

鯖渾秀握女臂韻念從儕費琛此味敵漿醞清涼漬雲露

煩渴解煇煇芳標奪烏魚嘉種壓濟汶想當瀚海植是受

澗泉蒞秋延搭斑

反八蘭

爽春老情蘭蕙蔓絕陳孟樽筐將

裏瓊縕千程蒲鶴珍一騎明駝坊時借荆包薦疇得楚鼎

問金鑾謬分直玉籠驚非分陸橘心毋妬朔肉事豈訓散

朝懷解馨邀客席酒壺堆盤拂新澀合座被芳聞剖壺霜

切腴決瓠月呈葷香流鼻觀親節化舌交蘄涎憐海客詫

睡起屏奴隱繁我醉如狂因君戰思忿

瓜戰爲吳越錢氏故事

茲邦

昔雄拓厥地職饋餽雷風捲旌旆山岳動礬輝圻封悉廣

漠纓繫幾孤償

孤償之君見匈奴傳

昆玉諒同升宛駒敢孰愠哀時

罷兵革弔遠慘髮絕今夕獨怡怡相看各斤斤丹瓢思驕

捧密憑愁奚救時節會麇羊恩叨及崔員懸匏誰見擇

作圃吾其僊

蓮裳吏部齋中集飲賦得望雪分限失字

晚天作雪寒颺疾空林墜葉聲悲栗高齋會客新醅出坐
對樽前萬愁失夜深風定雲還密起視遼空黯猶黍滕神
返駕封姨娥又見枯蟾窺我室人生世事誰能料快意常
前渾莫必我客京華近廿年年冰雪寒峭峭自從袴褶
歸來後幾度冬窗煖烘日吾儕晏處憐禪蠶祇欲尖叉鬥
詩筆郊壇祈禱厓宵旰襁褓憂勞付蓬華東南戈甲況未
休歲晏鐵衣尤慄慄天公毋乃眷長征奈何田間懷穗稔
安能鵝鴨壯風聲又使蛟螭消影質吾徒日夕上旗亭歸
向紅爐頻擁膝

酬劉炯甫次韻

造物有樞軸神功轉潛動微生天地間何異蝨逃縫斯文
不受羈強欲自控縱多言詎漫爾說理竊幸中今古幾蹉

跌風塵時瀕洞是能補元功方乃握真統自余逐名場拋
墀恥羣閔鉛華濫塗澤硃灸罕諭諷稱王雖笑荆作霸又
慚宋小年貪食牛奇想遠跨鳳何期困奔走少壯徒夢夢
心期高山岳行治下與眾時艱休項強道遠病足重將成
朽木廢豈任他山礪積習繭絲縛窮鑽蠅翅凍悲吟自求
快長詠忍思痛況從簪珥餘絕少替陰空偶來戲鞭弮毋
乃傷帛鞆經史未菑畚文章只嘲弄微車閩海來錄質得
丹汞章爲雲漢琢賦作天家寶琅玕辱先施烟霞知久供
枚馬集班聯晁張忝游從拙交言每直暇月學思共鴻篇
忽枉再口沫不給誦螿螻可屈仲爲龍覲天用

東坡生日集穎叔齋拜赤壁像用定惠院月夜詩韻

我朝詩法盛東坡歲例生朝燭燒夜高堂對展赤壁圖彷彿

佛英靈大荒下武昌故壘我昔遊浩蕩江聲日奔瀉
暝烟月更黃州公與周郎原匹亞人生所遇良適然
萬炬東風偶能借不觀憔悴此翁禿人世風流空代
謝去年作會記吾齋白鶴遺容拜同舍江干烽火又
今年酒半雄豪思舞蔗吾徒文字重因緣世事烟雲
餘夢怕樽前有酒歲常供潦倒未辭官長罵

翰臣講學抵京出示近詩題贈

吾道柄皇自有真知君矯矯邁羣倫違鄉心跡冰
壺在振代詞章玉局親滿路軍符還絡繹還朝綵服
更清新不辭玉案高寒頂咫尺金熬近紫宸

伯韓觀察出示途中詩草奉題

厭聞藪澤尚萑苻匹馬衝風又帝都到處塵荒供涕
淚幾

人流宕偏江湖文章世晚神偏壯冰雪天寒道豈孤何處
豪驄好乘障於今四海盡鄉閭

喜雪和翰臣詩韻

夜闌聞雪起呼燈好景年來得未曾密點洒窗驚亂屑凍
雲張屋儼寒簷沈沈遠水飛無際瑟瑟迴風暗有稜老我
詩情減驢背渾思泥飲向邱塍

碎拂瓊瑤墮似篩一庭曙色照書帷愁思夜火原頭獵遠
憶寒香竹外枝萬里雄心依馬革百年清節感牛醫園壇
靈禱看如此會見沙場獻伏鴟

雪後散直過霞舫兄出示中甫京兆雪中相過飲酒炙

鹿之作次韻

夜聞朔風曉飛雪走馬蘭臺四蹄沒貂裘欲做著轉溫拂

面微颯顛落屑金門乍闢三霄迴玉陛珠甍耀明潔掖廡
朝擁一燈青寒色欲穿窗紙裂高穹昨禱何神應我

皇寅感民心悅午鐘官事了復閒歸馬屠門思飲酸大丞
老兄新移居庭樹瑤簪儼行列過門相訪聞清興袖出君
詩縶巾折初言好景色動簡徐引豪情聲溢園天生此筆
勁且清想見淋漓方炙割我昔逢君胥浦舟小別新詩氣
生鉢南遊江海助翻漉世一風沙遠嚼鐵去年寄我夔巫
句出秣神駒驚汗血豈期匹馬又章臺風雨繩牀巧相設
霞觴天公有意開奇勝帽絮西山蒙缺鬢舉樽興逸驤擊
生落紙神飛驥奔渴三軍鶩鴨語殊雋百丈烟霾氣先折
牛衣自號儒高官感激時艱還耳熱城南舊好又龍朱伯
翰臣袴褶正辭山水窟斧柯未屬且柰何劍花長拂空愁絕

繫余戎馬歸來後飛走跋躑憐兔鶻南征老將又闕疎夢
寐前軍聞掃穴書生簪珥問何能但祝橫氛消雪月戈船
上瀨時聞戰巨礮雷轟妖禩滅中興江漢待歌詩公等雄
才合銘碣草間攔載吾有能會縛尖毫供掃筆